









屏山集卷第十九

詩

徑山寄生子作道服三首

旋裁山蠶作山衣更著芒鞋白接離  
自笑支離風貌野紆朱紆紫不相宜  
遠信慙慙到草菴却慚衰病豈能堪  
聊將佛日三端布為造青州一領衫  
察察休誇綺與紉  
紉蘭製艾亦良難  
此袍徧滿三千界  
要與寒兒共解顏

清泉亭老寄鼓枕二首

團團鼓枕樣新傳竹簟繩床得飽眠耳界若聞聲  
外意不須搗擊也鏗然

蘧蒢一覺直千金雅贈徒知感激深莫道林間高  
卧穩晏時亦有枕戈心

贈終上人兼簡無求居士二首

雙徑山中一衲衣曳筇遠遠叩巖扉愧無白壁黃  
金贈攜取清風滿袖歸

多謝徽州吳使君新詩問勞意何勤無求已得心  
空樂更作無心出岫雲

會蔡子思張叔獻二教授

膠漆夙昔記追隨物變時移萬事非  
曉闌風烟朝騎滿夜窓燈火故人稀  
中郎秉德無瑕類平子談經有旨歸  
獨我衰遲愧朋友蹉跎已覺壯心違

次韻范山亭張子猷絕句

鶴駕騰空春復秋淡烟寒日鎖林丘  
夕郎自是金門客莫更臨風思遠游

遂老寄龍涎香二首

瘴海驪龍供素沫蠻村花露挹清滋  
微參鼻觀猶疑似全在爐烟未發時

知有名香出海隅幽人得得寄吾廬  
明窓小篆如

跌坐更覺百懷一事無

次韻溫其元日詩

曉來飛雨挾風顛洗出韶容換故年  
花動一紅明  
屋角山寒亂碧到樽前  
病如夜鶴孤還警  
老似春蠶飽即眠  
頗有故人開寂寞  
錦囊詩句許時傳

呂丞相挽詩二首

黃髮三朝老勤勞  
險阻中十年  
流馬策一日  
斷髮已  
功汎掃乾坤  
靜扶持廟社  
隆璜溪今寂寞  
髮鬢見  
英風

慎

重調鼎宣威屢幹方  
夷吾欣在晉  
尚父果興



唐劍佩凌烟閣笙歌逸老堂猶聞病乘馬道恨隔  
清光

次韻明仲遊北巖

雲巖藏勝絕何路不潛通信志迷時遠冥心樂處  
同亂松風索索懸瀑雨濛濛陶謝多清興招邀有  
遠公

李丞相挽詩三首

委質艱難際精忠日月昭引裾堯浸縮斷鞅虜氛  
消顧眄安諸夏風聲動一朝南遷誰辨謗公論付  
芻蕘

文武中興相名高北斗南茂弘恢遠量安石暢玄  
談六策陳丹奏三休寄夢菴公所居人亡今孰賴  
憂國意如惓

賓攝勤初設詩筒辱屢傳一嗟雲霧隔坐閱歲時  
遷埋玉俄成恨乘風想已仙公作寄樂軒後賦有  
東冷風而翩翩之語  
終當挽行紼長衝總惟前

無諸策題問顏亡絕好軻沒無傳

孔林黃玉化飛埃一派淵源有自來具體好時心  
似谷厲辭傳處口如雷聞聲盡是緇惟客見色無  
非古市槐却訝文公迷聖戶不知靈鑰有人開

次韻黃宰一源亭二首

閒說催耕步澗幽  
田家喜氣共春浮  
仁聲似水潛  
潛物不作驚人洶洶流

賓榻浮塵拂不開  
胸中豐恨結崔嵬  
幔亭雲散天  
全露猶想雙鳧來

翁仁山受恩歸以詩相訪因次其韻

寒壑響蕓終日靜  
剝啄欣聞人叩關  
一聽清言風  
灑座幾回幽夢月  
沈山遺珠未許留  
滄海老驥終  
聞在六閑獻策明  
光豈無用人心  
久矣厭多艱

題王巖起樂齋三首

數叢脩竹擁齋居興味愴然樂有餘午枕睡酣窓  
寂寂清風來去自翻書

怪底愁端生不已勞心逐事事無窮陶然一點冲  
融趣只在清虛淡泊中

我亦雲根結小房年來與世界相忘定知可蛻紛  
華事不及弦歌氣味長

寄巨山

分携六換禁城烟夢也慵飛到日邊綵筆尚懷貂  
可續冰銜時許鴈遙傳紫薇院靜君宵直綠亭村  
深我晝眠會向急流歸亦好雙筇同訪幔亭仙

寄題觀瀾亭二首

遙知壓水創新齋  
百里寒聲席下來  
準擬杖藜秋夜去  
同看月湧爛銀堆

未合滄溟勢不休  
噴雲齧石幾經秋  
雄心戲欲相吞吐  
一縱詞瀾筆下流  
道醇作記

遊家菴致明有喜雨詩次元韻

雨氣經巖上  
僧窓暗復明  
溪流生急響  
松吹助狂傾  
擺極無邊潤  
蘧際一味清  
仁心樂同飽  
擁鼻發吟聲

次韻熊叔雅七言

只今漂蕩賈長沙來往三山躡緯霞馬上新詩猶  
憶支枕邊幽夢不離家風驚枯葉連汀雨霜著寒  
楓滿樹花却記梁園初識面干戈豈料落天涯

題石井二首

玲瓏巖穴巧如剗中貯滄浪百斛餘衰嬾自憐遊  
世久襟懷未及汝常虛  
道經蘭若偶得鞭笞客裏逢幽意惘然一把綠蘿蒙  
石甕夢魂翻憤醒心泉

登鵝湖妙峯亭次韻

偶向妙峯亭上望一襟寒色近春分晴風吹放天

全露吹盡江南江北雲

題吳若愚一經堂

老矣惟書愛未消喜聞新塾出塵囂軒窓近水來  
無厭弦誦因風聽忽遙游藝定知輕拾芥正心端  
欲似耘苗一經教子誠為樂家世從今未寂寥

寄如愚珙二首

射殿遙聞駐六飛天顏咫尺引儒衣吾家亦有臚  
傳喜叔姪聯名賜第歸

鴈塔蟾宮盡假途要須行實副名譽六經堂上歸  
來日飽讀平生未見書

次韻朱喬年送山老住三峯二首

已愛雲山信脚行  
捺人詩句更增情  
直須吏部尋盟日  
急遣雙魚一寄聲

平生耳裏三峯寺  
况識峯頭新主人  
借我一筇扶病去  
月林松吹度綸巾

朱喬年同傅茂元見訪

校書蘭臺昔名士  
懷會稽今望郎  
忽驚風采照戶牖  
便覺肺腑流水霜  
手談通利屢爭局  
眼食哈臺時對牀  
山林情話政可樂  
只恐雲路雙鷗翔

寄題黃應亨東明齋二首



青藜不復來人世好學如君自少雙  
賴有羲和鞭日轂曉紅常照讀書窓

齋居雅意與誰論會見依光沐寵恩  
慚愧野人欺我嬾相招炙背坐松根

寄題清軒二首

聞說名軒寄遠情得非遊世厭營營  
丈夫出處渾無累只要心源一點清

中郎言語妙天下曾向軒中記舊遊  
一尺翠珉揮染罷冰輪夜轉屋山頭

喬年作軒記

有感三首

八葉炎圖茂千齡聖主昌農桑開漢域禮樂煥周  
庠晏粲三登樂謳吟七閩長徽名辭鏤玉盛舉冠  
前王

運屬宣和末干戈變故仍倦勤脩內禪流澤啓中  
興睢水千麾集胡沙八駿騰尺書傳諱日寰宇淚  
如澗

孝感柔強敵和盟定一朝龍輶來瀚海鶴駕返神  
霄歌吹仍祠禹事具郭羹墻若見堯稽山同峻極  
從此百神朝

和黃德欽韻贈公路二孫

襟趨踰政妙年階庭蘭玉固天然人間百藝皆  
田學惟有讀書知子賢

謝劉致中序二首

萬言不直一杯水才似謫仙良可嗟顧我小詩偏  
發市年年博得蕭屯水  
病翁癡絕端可笑文墨翫戲誰得稱故人分甘聊  
爾耳更向詩流說我能

詹君則賦光壁堂詩拉余同作

幽行已辦百枝扶况有溪山近故廬水碧山光都  
幾許道人著眼恰無餘

李佐國携致中贈別詩來戲成二首

星郎絕筆版曹卧嬾翁病翁稀綴文豈料詩壇今  
再鼓蕭屯頼有故將軍

贊皇吟毫不可掣交游酬答被惱深贈言排根入  
吾里以鄰為壑君何心

次韻白水雪梅二詩

閩雪少曾棲瓦白怪來浩浩擁寒濱嚴威故作敝  
裘厄淡彩潛催幽幌晨眼觀醉中迷有色心華淨  
處照無垠搖松旋拾品焚煮已覺肥生齒頰津  
豪氣無根老自摧尚留餘首愛尋梅苦寒扶病也

須去薄暮微吟垂欲開靜納長芬風外鳴醉臨高  
白水邊臺無言自得幽貞意莫吐肝腸錦繡才

原仲致中寄梅雪二詩再次前韻

一雪度臘寒不春風光淡然溪谷濱清湖讀易月  
當午烏石掛廬梅照晨未惜流膏耕沃野聊乘爽  
氣款蒼垠嗣音風雅愧辭竭安得筆翻雲漢津  
飯了意行忘遠近脩脩老眼入踈梅愁邊賞味平  
生劇亂後橫斜幾度開勝韻撩詩頻吐聶冷香薰  
夢破吟臺莫將花客輕題品自有渠懷十倍才

橙子四首

尚懷細雨初移日著子已見清霜潛絕憐面有貴  
人色偶致吾儕樽俎間

橙齏細縷風韻勝我不痛飲那知音何如金丸走  
衾枕三月夢遊蒼苔林

自從天籟守更散老樹零落煙雲淒今朝我為作  
知己小摘秋風黃欲齊事見晉令

花瓷泛密小劑供極有痛快塵邪功生枝滋味雖  
可口流品故應甘下風事見本草

寄巨山

故人浮家攜李傍為愛脩竹分僧房霏霏玉塵夢

千里刻刻銀鈎書數行極知神潛鼻端白祗恐  
動眉間黃烟波莫久費吟筆好繪日月增天光

次韻傅茂元二絕

濠樂亭前花已披馬軍送酒故來遲只愁風雨卷  
春去紅染芳郊一徑泥

酒興何如畢吏部詩情已過鮑參軍醉吟自足了  
一世肯羨飄飄出岫雲

居仁報李季言論養生之益

平生外鷲已知非木枕藤衾老可依春半風光唯  
掩戶病邊懷抱自忘機不知靜守綿綿息何似閒

隨柳絮飛欲寄勤渠問仙李玄關底處是真歸

次居仁韻

是身如樹槁窮冬一點心華自閉封久矣吹噓存  
泛愛偶於遲暮得相從頗聞妙用縱橫是深愧真  
源左右逢白雪黃芽計雖下可能無意起龍鍾

送致明之高沙三首

忽驚風袂去翻翻老子吟毫強更援底事幽懷却  
成惡鵝峯一點入離樽

不夢清淮髮欲凋因君色意飄飄鐵頭船子鷺

遊屐三尺霜鱗鏡面珠



棠棣陰中更唱和嘉賓助勇氣如雲勢孤爨欲然  
降手恐辱高沙小使君

次韻新鄉諸公雪詩二首

臘裏天公未得閒重陰先發晚來寒數絲綽約流  
空際一陳續紛糝夜闌已傍餘光窺蠹簡更消清  
液試龍團社門自覺心神瑩老去追隨只強歡  
貪行璀璨意無寒不管飛花著髮斑一段清光貽  
老境十年勝覽在家山遙知物外徜徉樂肯放毫  
端造化閒寸鐵不携當百戰欲申前令愧辭艱

大年三月書來許訪弊廬繼聞阻雨已歸近

聞復有來意以詩溫之

畫沙筆妙言猶在折角巾歌興已窮不見此豪春  
色晚至今遺恨雨聲中詞華端是補天手譁浪故  
存高世風聞欲尋盟石峯下人生能費幾枝筇

分茶公美子應預為白曬之約

夢裏壺山尋二妙不因荔子髮絲華聊分茗盃應  
年例故有筠籠來海涯鮮苞尚想妃子笑槁面何  
取西施犯老饒惟作耐久計一瞬紅紫真空花

竒仲德華第二轉語皆有旨趣致中乃謂僕  
操兩可於其間戲成長句

不可無詩絕盡簪雜然嘲玩寄嘉音唯阿似足摸  
稜乎虛靜初無照物心蓮蕩遠陰波面合重峯橫  
翠雨中深頗能逐勝此來否一笑又成梁甫吟

寄致中因溫前約

故山歸路豈云賒憶對春風餞物華尚口乃窮憐  
反舌以年當廢惜殘花勸渠載酒傳非悞倉卒回  
輿事偶差今日重來綠槐夏已拌纈面醉君家

原仲紅釀甚佳嘗有十壺之約小詩發一笑

廣文挾書門戶閑廣文置書日尊罍開但欣引人著  
勝地豈暇問客從何來走浪畦風初綠稻屑塵村

雨欲黃梅十泓琥珀今餘幾壘塊非澆不可摧

居仁與季言論養生方往叩之而原仲詩有  
金花充勝之語乃知致中妙用如此近捨  
皇甫遠取居易豈不迂邪以詩請事

紫微談道渺無津逸步飄然歎絕塵但向函關迎  
老子不知鄭圃有真人數絲雪髮神彌瑩一點金  
花意自春莫謂余衰難語此胸中勇氣尚輪囷

致中詩戲論詩基酒輒次元韻

只應心醉六經醇自是陶陶晉魏人每尚幽居橫  
素榻惟容我輩岸烏巾毫端空有千題巧枰上元

無一著真要得坦然懷抱穩煩君澆潑乳泓春

云乳泓未熟甚渴想風味也



屏山集卷第十九終

五  
山  
身  
藏  
書  
印

芥山集卷第二十

詩

致中招原仲遊武夷

病暑冠裳與體忘一壘幽僻得深藏  
微風時度澗光活殘日忽無山氣涼  
但想子綦方隱几終慚南郭謾連牆  
何時九曲尋幽事船尾應須著漫郎

致中手談見知胡潭州而奇仲未有定論

了無勝負著胸中三百枯棊破老慵  
雲陳春放花脫樹電聲夜碎月銜峯  
危機每憚張頤虎窘步休誇獨眼龍  
無復漳州賞新妙只應公論付吾宗

次韻茂元茉莉花詩二首

翠葉光如沃水肥  
淡不敷一米由秋早  
秀徹日坐傍  
香色照祇園  
靜清回瘴海  
涼儻堪綉作佩  
老子欲

浮湘

三尺婆娑樹千英  
一律妝眼孤猶眩  
彩鼻熟不知

香向月資清潤承風發  
素涼一作涼露增胎  
聚芳

如不思移植近瀟湘一作湘

同才冲人山有懷寄仲

客至那容嬾牽筇  
入翠蘿山光知雨過  
野色見秋  
多妙語時相奪  
微吟只自哦  
吹填來獨晚  
此日恨



如何

寄行夫蕪懷如愚珙

已把重陽菊吟懷不為秋江湖三俊遠天地一翁  
愁日近書來少宵長夢不休吳雲猶可望時上董  
峯頭

致中相拉遊武夷有六耳不同謀之語原仲  
和章意似未平也再次元韻

年衰漸涸玉池津擬巧明窓一七塵底用趨風防  
六耳須知對影已三人高情政喜追靈運飽學那  
容欠大春右挈左提俱有賴應憐懷抱久傾囷

呂居仁挽詞三首

粹美元功昇風流相國傳有文光聖道無物累心  
淵侃侃常春氣堂堂忽逝川東萊一點秀冥漠楚  
山邊

皓首猶貪學謙虛德益豐潛神無朕際悟物不言  
中雖處持荷貴常安拚茹窮笑談驚委蛻儒事有  
英雄

江左欣初見傾輸便豁然挽留嘗一粥契闊已三  
年老去無新得書來每自鞭幽明雖永絕凜若在

奇仲和致中基詩有玄中一著是吾宗之句  
局上深機未足窮玄中一著善為通五宗惟明不  
是物三語孰解將無同常恨老懷多憤憤每逢益  
友太忽忽金篦刮眼寧無賴况是墻西有德公  
奇仲和詩有吸盡西江說足公之句

南鄰袖手只如愚東里談玄亦甚都可是據鞍方  
鏖鏢須防蜀南璞得盧胡春空潮響日來何自秋浦天  
容落欲無萬古西江只如許何煩呼吸費工夫

吳公路作功德院記成同居安入山書丹

淨坊疏寵自吾君蓋有豐碑武藝策勲方見隨崔龔

翠琰忽驚落筆散彤雲言言七小索西山氣靈靈新  
萬左氏文從此拱辰非厚夜月明鐘鼓九霄聞

子靜閱僕舊舉子文有詩因次元韻

雪轂烏紗氣似雲搖毫不瞬已成文兒時追逐無  
三捷老去荒唐更十分木裏液滿將底用韶邊朋  
肯豈堪聞却慚銀板能派惡一付焚如政賴君肯朋

上聲也

寄秀峯忠老

高鐘號月掩巖扉遙想幽人不夢時曾聽微言知  
見妙應憐孺我用功遲憤心種種寧相貸窓靜山

山尚可疑儻有一單容過容眼中須接秀峰奇

轉秩奉祠蒙朝佐子靜慶以四六戲裁長句

為謝

一嶺無情阻面談鳴翰忽隨得雙函袖黃對白雖  
云妙刻朽嗟枯祇益慚小轉只緣官帶右雄飛無  
復夢圖南借留賴有天台侶老矣真成七不堪

致明贈茯苓如嬰孩狀以詩為報

老松寒不死密壤聚流脂小鬚剛凌蒼翠深藏發怪  
奇應憐霜髮客為寄玉嬰兒唇日餌消殘疾同尋汗  
漫期

次翁來借諸家易解如聞已有新說以詩借

觀

天庭吐氣作青紅警邏猶煩小試中政使著鞭無  
暇日惟應讀易有清風晝評一以紛然異夜夢三  
交廓爾通聞說新筴極玄妙可無殘賸到衰翁

寄子靜

有約來何晚行吟溯遠風老懷清似水雙鬢亂如  
蓬晤語非無得踈慵政畧同秋來湖上集只是欠

單公

夢如愚珙

驚破池塘蕙宵長不冉眠寒聲搖谷口側月到床  
邊一自芝蘭遠都無翰墨傳老懷安得寫孤詠不  
成篇

食鷺菜三首

寒烽夜滅楚淮長客舸輕搖度碧光北果初來珍  
重意屬白飯紙透清香

拂拂鷺黃初惜色消消蜜醴為輸津冷然一滌心  
淵淨熱惱無因著莫人

瑠盤一卵寧論價新帶中原雨露來却憶春行梁  
宋野雪花瓊菜數程開

次李巽伯韻

蠟封泥印了不勤索居十載常念群變鄉寧飲建  
溪水懷友忽夢龜山雲閒中意度不沾俗老去詞  
華全付君阿戎來歸得新語戲筆報謝非夸文

送臆侍者之湖南

茗椀深澆破別愁摻裙猶得小遲留不將流落遇  
知己故向難難作遠遊春動閩山迎兩屐夜涼楚  
月趁孤舟相逢應說龐翁笑黑頰黃髯萬念休

次六四叔青字韻

寫出吳中勝平生歷歷經露窺烟渚靜山入於樓



青老氣何由逸奔暉不肯停北潭搖夢否淥面照  
軒櫺

題慎儀餘清閣

並溪取次得竒觀更舞新薨翠木端政喜閒身特  
可到忽驚醉眼晚來寬故添山色浮嵐潤不逐湍  
流獨月寒散帙南窓更清絕興來直欲跨飛翰

春興

弱淥才勝舫危青更著樓管弦非老伴風雨定花  
讎兀坐還無味微行却自由只嫌詩作崇咕咕不  
能休

時中良弼茂元慎儀集水閣

水色蕪山影漂搖小閣西風來幽轉活雨過萬紅  
低烟烟杯中趣喧喧枕裏迷新年一聲笑四友在  
潭溪

致中晚集

笑語北潭晚微寒入綺疏雨聲留篆霧燈影躍潛  
魚病間欲踈酒老便惟讀書喜君新隱地山翠切  
吾廬

酴醾四首

蒙籠春憶頂天矯赤虬身雨苦猶絨暖精神照晚

春

斑斑心點紫  
疊疊粵承冰  
除却橫枝韻  
群芳盡與能

獨立幽亭晚  
春風玉一闌  
殘英不著地  
去作嶺雲飛

霜鞋薰碧醮  
氣味已相傳  
終以香為累  
無人解倒懸

寄張子平

老矣張平子  
飄零客此州  
清樽如有伴  
白髮不知愁  
雨燕梢簾入  
風花擁檻浮  
夢中家在否  
歸興莫

悠悠

次明仲涼字韻

浮暑熏人只欲狂秋聲未肯抹橫塘倦看黃妳渾  
無味醉著白練如許涼掃砌政須脩竹舞蔭花絕  
愛巨荷張紫髯不是輕風景更擬回鞭向葛強

晚飲

招提聊駐屐却去白雲堆老眼看山倦餘懷向酒  
開晚涼微雨送秋意一蟬催醉裏揮犀妙方知有  
逸才

次韻長汀壁間韻

窠巢驚殘夢蕭蕭老屋風聲傳遠瀨寒意入秋  
疏客路漂搖久歸身憔悴餘西窓滿殘照鬢髮似  
五豆廬

問明仲遊武夷日

兀兀聽涼雨開門雪漲川獨行楓葉底秋興鴈行  
邊老去無多事閒知有勝緣何時縱仙舸我亦願  
周旋

次韻文殊五言

小雨貽新句端如印印泥疑眸方過鳥倚杖忽橫  
溪老態猶堪強真豪已覺低鐘聲隔林寺慚愧有

幽棲

次韻施坑七言

酒香渾若過新豐心事悠悠冷  
咲中徹夜道傍梳  
葉兩幾年馬上挂枝風  
高情未許愁能挽歸意惟  
應夢可通準擬今秋刺  
追逐暗泉鏘佩月潭東

次韻明仲幽居春來十首

醉毫巨我落烏絲  
况是桃源乍入時  
祇恐昇平要  
幸藻賜牋春動萬年枝

幽居十絕  
巧凌春我亦剝腸強效顰  
憂樂懸知不  
同調山南山北寂寥人

一幅烏巾雪髮盈村深時聽鷄刀聲浪將蘭艾評

春事我自平生小屈平

歸來十六見新元種得黃楠逸舊村豈是翛然便  
遺物吾衰不復夢脩門

蒲團宴坐若還家羅幘如空了不遮可是春風搖  
得我蘭芳輕嘆淡黃芽

莫遣瀟湘雙鯉來歸心在怕曉禽催咄嗟新轉渠  
渠屋寒士權顏正兩開

蹊蹊鳴山節一枝逢春聊復詠歌之故園風光本  
具足浪蕊浮花莫作迷

蓬鬆衰髮倦重簪一榻惟便獨寢甘却憶少陵詩  
句好依然雲木曉相參

近鄰分得續隨裁準擬新晴手自培不奈餘寒侵  
病骨勩褻無味却歸來

豈慚辛苦把漁竿猶有襟心傍釣灘文定書堂最  
深穩何如袖手試觀瀾

次韻六四叔村居即壬子十二絕

桃花偏傍謫仙居點綴高石今幾株力士鎗邊欠  
何物著鞭跨馬是狂圖

飯了呼童疊石門雨餘幽事不勝繁花殘不用深



惆悵梧竹新陰又滿園

偶隨流水到僧家身世渾如焦穀芽午夢不知緣  
底破篆烟燒徧一盤花

聞道清湖別有春花邊玉笋想長身怪來幾日詩  
筒少盡寫瑰奇賦洛神

潭邊春水碧於苔為聽泠泠溪畔來不耐顛風阻  
人興漁舟欲上又吹開

蠲病惟應一日晴小窓螢度暗還明  
常編讀罷聞幽鳥演出精微是此聲

酒惡時來漱淺谿玉池汨汨自生肥  
遊鯈豈解吾

曹意聊復蓬頭坐釣磯

春來大半在農疇邂逅相逢皆飲流貪看暮烟馳

萬柳不知明月上前洲

庾郎食事惟三九適口方知味味珍擬欲招邀無

此客虎頭不是箇中人

遼鶴歸來本姓丁咿啞樂見弄文禰人間過眼事

如許何用封侯羨夏羹

犀角仙洲入眼明清風淅淅醉魂醒麻姑未必堪

搔背薄相由來是蔡經

幾許推理盡犯鋤而今戶偃犀渠太平無象從

何見一夜春風長碧蔬

凝雲堂詩次文賀州韻

君家遙借我家山我亦時來一咲看  
縹緲雲扶千疊秀空濛翠滴兩川寒  
已將老日供秋晚未覺憂心怯酒闌  
文伯詩無飄泊歎盡將幽抱付遐觀

次明仲勤字韻

苦無聊賴憶披雲  
叟杖寧知四體勤  
握手便成忘適適  
縱談終愧自開聞  
浮蛆釀熟貽彭澤  
斫鱸圖成想右軍  
莫為冷風發歸興  
石峯秋月許平分

次韻明仲贈六四叔之作

平生一笑輕離別，林下相從各壯年。  
絕愛步兵兵窟壘，更欣阿大語蟬連。  
杖藜只作尋常出，卮酒何辭一再傳。  
燕頰虎頭經賞識，定應接武向甘泉。

次六四叔韻

筍輿露汗每蒼黃，今日追隨得快涼。  
水落不知沙徑改，風微如斲橘林香。  
我緣新病仍添嬾，君不時來有底忙。  
只恐家山請人去，十年秋興在殊方。

祝道人日供梅蘭偶成小詩二首

病眼亡聊祇強回，道人得得供新梅。  
谷寒未必春先到，幾夜冰蟾照得開。

野客分花入戶間，此心今合付翛然。平生費盡金  
鷄鬚，不負幽芳十七年。

梅詩呈六四叔

一枝新白破長林，定想霜毫落有神。蹶躄若予將  
底用，猶堪卧護北潭春。

寄致明并紀惠鴈觀梅之舊

稚劉於我最多情，昨日詩筒不絕聲。一作鴈相

依真得地早雪作梅一繁，又傾城向來蘭好。知誰

許病後霜林嬾，獨行小几清香慰。臨別一作絕極知

了了萬緣輕。

拙句謝伯達老友

贈梅發言五言過矣衛生無術誰之尤魯兀游心聊  
自遣樂春舉足豈無憂

次韻上梅嶺

鞭瘦紅入印前菜玉登盤是處喜相挽我來如許  
難沙清才澆澆陸翠入磻磻勃窣乾坤裏伊誰不  
自安

詞

驀溪山寄寶學

浮烟冷雨今日還重九秋去又秋來但黃花年年

如鷲平臺戲馬無處問英雄茅舍底竹籬東佇立  
時搔首 客來何有草草三杯酒一醉萬緣空莫  
貪伊金印如斗病翁老矣誰共賦歸來艾壠麥網  
溪魚未落他人後

和明仲木犀花詞

秋入微陰涼生平遠小山愁絕天南似聞還斷飛  
策偏千巖葉底輕黃纂纂惱人是微裂芳緘儵然  
勝清真冷淡無豔寄塵元 澄潭敲兩岸波光搖  
動碧影相參任西風十里吹度松杉我自寒灰槁  
木 神處不覺醺酣歸來晚飛花無迹明月滿空

函

和章潮州南歌子二首

卜夜容三獻，微權極一時。風流太守未應眉放出。  
筆頭光焰壓金閨。藻麗花駢，藻清高雪亞枝。曼  
聲恰與貫珠宜。聽此直教拚得醉翻卮。

伎倆無多子，逍遙自許時。閒愁且莫著，雙眉恰有  
梅香一點到幽閨。寵辱棋翻，局光陰鳥度枝。頽  
然徑醉是便宜。擬倩潭風吹綠漲，瑤卮。

屏山集卷第二十終



歐屏山集

屏山先生文集二十卷

先生嗣子珩所編次已定可繕寫

先生啓手足時珩年甚幼以故平生遺文  
多所散逸後十餘年始復訪求以補家書  
之闕則皆傳寫失真同異參錯而不可讀  
矣於是反復讎訂又十餘年然後此二十  
卷者始克成書無大譌謬熹以

門墻洒掃之舊幸獲與討論焉竊以為  
先生文辭之偉固足以驚一世之耳目然  
其精微之學靜退之風形於文墨有足以  
發蒙蔽而銷鄙吝之萌者尤覽者所宜盡  
心也因書其後以告後之君子云乾道癸  
巳七月庚戌門人朱熹謹書







浙江圖書館善本

甲登記號：019681

一九 年 月 日



0 1 2 3 4 5 6 7 8 9 10 11 12 13 14 15 16 17 18 19 20



Inches 1 2 3 4 5 6 7 8

Centimetres

**TIFFEN** Color Control Patches

© The Tiffen Company, 2007

Blue

Cyan

Green

Yellow

Red

Magenta

White

3/Color

Black





Seal characters: 藏書之印 (Seal of the Collection)

